

乾

象

通

鑑

乾象通鑑卷第八十八

河間府免解進士臣李季奉

聖旨編

北方雜座統論下

敗臼星論

人星論

杵星論

臼星論

土公吏論

離宮星論

騰蛇星論

雷電星論

雲雨星論

霹靂星論

天錢星論

斧鉞星論

北落師門星論

天網星論

壘壁陣論

羽林星論

八魁星論

土公星論

敗臼星論

敗臼星統占

月五星犯敗臼星

客星犯敗臼

彗孛犯敗臼

流星犯敗臼

雲氣犯敗臼

敗臼星統占

天文別錄曰敗臼四星兩兩相對其西頭北星入危

五度主夷狄

石申占曰敗曰四星赤在天田南主北夷匈奴之類
占曰金火守之夷兵犯塞

陳卓叙占曰敗曰星在天田南主北夷匈奴之事星
暗則北夷順命星明大則匈奴犯塞星端列則中
外不通好邊有急兵星疎圻夷伏有不庭之方星
就聚其國彊盛大寇中土星俱亡主匈奴失國

月五星犯敗曰星

天文別錄曰月逆行敗曰主夷伏與中國抗衡一曰
匈奴倡獫

古今星釋曰熒惑逆行敗曰主外夷入寇其下有急

兵太白逆化敗曰其國有屠城

客星化敗曰

天文別錄曰客星化敗曰外夷有兵謀一曰邊陲有
暴兵起

古今星釋曰客星大如五升器守敗曰色赤黃主有
急兵若守五十日不去者其下有亡國

彗孛化敗曰

天文別錄曰彗星如帚掃敗曰主外夷彊盛以寇中
土一曰邊城失土地

古今星釋曰星孛于敗曰若蒼白色其下有死君一

曰有屠城

流星化敗曰

天文別錄曰流星抵觸敗曰星其國有奸使入境一
曰外夷遣使懷奸

古今星釋曰流星入敗曰中中國有使若色白有聲
中外交兵

雲氣化敗曰

天文別錄曰黑雲氣如牛馬入敗曰其下有兵謀黃
雲氣出入敗曰主中外通好天下和平白雲氣如
劍戟狀不有破軍必有亡城

人星論

人星統占

客星犯人星

彗孛犯人星

流星犯人星

雲氣犯人星

人星統占

天文別錄曰人五星在虛北其西南四星入虛六度
主四方之人亦曰防淫邪詐偽

甘德占曰人星五星黑在車府南主安寧占曰明吉
不見人詐為詔書

天文志曰車府東南五星曰人星主靜衆廢柔速能

邇一曰卧星主防淫佚

古今星釋曰人星在虛南主四方之人一曰禁奸防
偽星明潤光澤四方之人無犯非法一曰風俗同
人星暗則風俗澆薄星亡則下民為亂一曰民詐
為詔令星疎坼則民害匱星就聚則民多為盜

客星犯人星

天文別錄曰客星干犯人星主外國人至亦曰人習
外教以惑衆

古今星釋曰客星抵人星其野有亂民若形大如斗
器色白如粉絮者天下之民多嘯聚山林為盜賊

彗孛犯人星

天文別錄曰彗星孛犯人星其國有祲言下民為亂
以至僭竊

古今星釋曰星孛干犯人星其下有淫風以至亡國
一曰民暴為亂

流星犯人星

天文別錄曰流星犯人星其下民失業又曰百姓流
亡不得其所若星流而有聲如雷其國大饑民多
死亡

古今星釋曰流星抵觸犯人星其國有亂臣一曰民

以祆言鼓惑衆心若蒼白百姓負干戈天子親甲
冑

雲氣化人星

天文別錄曰有黑雲入人星則耕夫為盜白雲氣如
人狀其國有民為配一曰民有祆言以害國政
大象旁通曰黃雲氣如蓋覆人星其國民有暴貴者

杵星論

杵星統占

客星化杵星

彗孛化杵星

流星化杵星

雲氣化杵星

杵星統占

天文別錄曰杵星三星在臼星北其南星入危三度主軍兵亦主軍之儲蓄

甘德占曰杵星黑在人星東主軍儲星直則吉不正則軍飢

天文志曰杵三星在箕南杵給庖春客星入杵曰天下有急兵

古今星釋曰杵星在臼星北主春庖以給軍星明潤則三軍足食暗則軍儲不繼星直列則吉不正則在臼上則歲不熟亦曰有急兵一曰杵星屈曲軍糧

不宿

大象旁通曰杵三星直列曰上為得常或曲或在曰下皆為變得常則吉遇變則凶

古今通占曰杵星主三軍儲蓄星不正在曰上其國軍飢亦曰軍掠食為亂又曰杵不直軍無食

客星犯杵星

天文別錄曰客星干犯杵星主外寇掠糧擾民又曰盜賊爭食

古今星辨曰客星大如五升器光色若粉絮守犯杵星不出一年國飢民死一曰軍無食潰走

彗星犯杵星

天文別錄曰彗星掃杵星主國有急兵一曰有死大將若光芒可丈所以上者國無兵政亦曰國大飢人相食

古今星釋曰星孛杵星上其野大凶民爭食為亂國有飢民

流星犯杵星

天文別錄曰流星抵觸杵星其國民飢流亡亦曰國多盜賊而民有菜色

古今星釋曰流星出杵星其野有急兵又曰國出師

千里饋糧民多勞怨

雲氣化杵星

古今通占曰黑雲氣化杵星其國大水民饑亦曰軍
乏糧匱白雲氣出入杵星其野有急兵素赤氣入
之其國有兵喪黃雲氣為喜亦曰軍勝

白星論

白星統占

客星化白星

彗孛化白星

流星化白星

雲氣化白星

白星統占

天文別錄曰白星四星在危東其西南星入危三度
主歲之豐凶

甘德占曰白四星黑承杵主春事覆飢仰熱

古今星釋曰白星主歲之豐凶星明潤則其歲豐星
暗微則穀不熟星踈圻則五穀有水旱蟲螟之患
星就聚則歲歉民飢星仰則百穀順成星覆則民
多菜色四星移徙則天下民流四星俱亡則其國
大飢人相食又曰四星俱沒百姓炊骨

客星犯白星

天文別錄曰客星干犯白星主有急兵掠民食若客

星守曰中其國接食為訛若守曰外其野有兵不成災亦曰國小饑又曰有小兵

古今星釋曰客星抵曰中其國軍乏糧大將惡之又曰國饑民受禍

彗星犯曰星

天文別錄曰彗星干犯曰星其國大饑人相食百姓為訛以至亡國一曰百姓流國祚失

古今星釋曰星孛干犯中人君憂食天庫無米一曰星孛曰中食庫皆空

流星曰星

天文別錄曰流星抵觸曰星其野歲凶民流離散徙
兄弟妻子不相保有

古今星釋曰流星入曰中有貸粟使至星大使大星
小者使小若隆隆有聲如雷所之國起兵爭食

雲氣化曰星

天文別錄曰黑雲氣出曰中主盜賊掠民食入曰中
其國兵起白雲氣如兵器覆曰星上其國有急兵
或大喪黃氣出入之為吉為歲豐餘氣出入之俱
凶

土公吏星統占

客星犯土公吏

彗孛犯土公吏

流星犯土公吏

雲氣犯土公吏

土公吏星統占

天文別錄曰土公吏二星在危北東其東星入危九度主過失亦主兵

甘德占曰土公吏二星黑在虛梁東北主設備過失占曰金火守犯兵起

天文總論曰土公吏二星在危北主兵起亦主過失
星明潤則百姓無犯非禮星暗則天下不尚義民

多過失星疎圻則其國禮義廢下民為亂星就聚
其國有急兵星移徙百姓去國又曰國飢民徙星
亡則糴貴百倍

客星犯土公吏

天文別錄曰客星犯土公吏星其國禮義廢百姓多
犯非法亦曰百為亂

古今星釋曰客星出土公吏其野民多過失下民不
畏法令亦曰天下多寇盜

彗孛犯土公吏

天文別錄曰彗星掃土公吏主野將擅推聚民為盜

亦曰彗出土公吏百姓非

古今星釋曰星孛于土公吏其國民多犯法亦曰國
無法度以禁民非又曰民亂國亡

流星犯土公吏

天文別錄曰流星委曲入土公吏王者失政百姓流
亡亦曰人君政急民多勞怨

古今星釋曰流星犯土公吏抵觸有聲其國有百姓
為亂

雲氣犯土公吏

天文別錄曰赤氣入土公吏國有急令民失其業白

氣出土公吏下民為盜擾國蒼白氣如劍戟狀入土公吏其野民聚不畏國法

離宮星論

離宮星統占

月五星犯離宮

客星犯離宮

彗孛犯離宮

流星犯離宮

雲氣犯離宮

離宮星統占

天文別錄曰離宮六星兩兩相連夾附營室上宿度同營室亦王者別宮休息之所

石申曰離宮六星赤兩兩相連羅於營室上主天子

別宮占曰金大守兵起

天文志曰營室二星上二星東北二星下垂曰離宮
次二星曰離宮主天子別宮亦主隱藏休息之所
古今星釋曰離宮星主天子別宮游息之所也星明
潤則宮闕無災星疎圻後宮有異謀星執聚在營
室上主後宮有兵變亦曰後宮有兵喪星移徙天
子禁度有姦謀亦曰天子無出宮星俱亡則天子
憂內亂

月五星犯離宮

天文別錄曰月逆行犯離宮星其國有女喪亦曰後

宮有兵喪

古今星釋曰熒惑逆犯離宮主女主失勢亦曰後宮有憂太白經天犯離宮主後宮有兵變亦曰有大喪

客星犯離宮

天文列錄曰客星干犯離宮星主刺客入禁廷亦曰大人惡之一曰外奸通內陰謀

古今星釋曰客星抵離宮星大如五升器及五十日不下者天子禁闕有兵起

彗孛犯離宮

天文別錄曰彗星如帚掃離宮主後宮有急兵亦曰
女主惡之

古今星釋曰星字干離宮星犯營室中其國有女喪
亦曰天子惡之又曰有兵喪

流星犯離宮

天文別錄曰流星如蛇行委曲入離宮主後宮有奸
謀亦曰後宮有外姦

古今星釋曰流星抵觸離宮天子出遊嬉不時亦主
天子潛行

雲氣犯離宮

天文別錄曰黑雲出離宮天子無出宮防外奸白雲氣入離宮主後宮兵起青氣入離宮主後宮爭寵陰殺無辜

騰蛇星論

騰蛇星統占

客星化騰蛇

彗孛化騰蛇

流星化騰蛇

雲氣化騰蛇

騰蛇星統占

天文別錄曰騰蛇二十二星在營室北河中尾三星出河南其星身西北明星入危六度主水蟲亦主

水旱

天文別錄曰騰蛇二十二星在營室北天蛇星主水
蜚星明則不安客星守之雨水為災水物不收
石申曰騰蛇二十二星赤在營室北天蛇主水蜚占
曰明而微國安移南大旱移北大水

天文總占曰騰蛇星主水蜚亦主水旱星喜微明而
不喜明大微明為常明大為變星丰隱丰顯主雨
暘不明星不能悉教主水蜚在陸星俱亡則水怪
見亦曰水怪在陸期五十日百川暴漲傷禾稼
大象旁通曰騰蛇星移徙主水旱不常移南則天下

大旱移北則天下大水星踈坼則洪水橫流星就聚則赤地千里

客星化騰蛇

天文別錄曰客星干化騰蛇星主歲旱國飢百姓流徙失其本業一曰國歎民飢

古今星釋曰客星入騰蛇其國水溺都市一曰井邑行舟魚行千里

彗孛化騰蛇

天文別錄曰彗星如疋練光若大炬長可數丈所化騰蛇其國大水毀城邑亦曰百姓失業人君徙

都

古今星釋曰星孛于騰蛇主大水入國都民流徙百姓去國天子徙都亦曰大水民饑

流星犯騰蛇

天文別錄曰流星抵觸天蛇星中主大水溺禾稼漂泛人民亦曰有水厄

古今星釋曰流星入騰蛇主水大流星出騰蛇主大旱亦曰流星入抵騰蛇有聲如雷主百日連陰期一年人臣為亂

雲氣犯騰蛇

天文別錄曰黑雲氣入騰蛇其國大水傷禾糴責民
饑白雲氣入騰蛇其野有兵爭食亦曰有水寇青
赤氣入騰蛇俱主歲歉水旱不常

雷電星論

雷電星統占

客星化雷電

彗孛化雷電

流星化雷電

雲氣化雷電

雷電星統占

天文別錄曰雷電六星在箕南其西北星入危一十
四度主雷電亦主君之號令

甘德曰雷電各三星在雲兩西占曰明多雷電非時君之號令失

天文志曰雷電六星在營室南主天之雷電君之號令明則雷電多失時君令多急

陳卓叙占曰雷電星明則雷電多星疎坼則雷電非其時人君發號施令不得其中亦曰下民多怨

古今星釋曰雷電星主天之雷電人君發號施令于民星明大有芒角則冬多雷電星動搖則其國有急令亦曰刑威不振

大象旁通曰雷電星明大而數搖動則其國注意民

愆星亡則慶賞刑威不自天子出星移徙主國令
改一曰有更政

客星犯雷電

天文別錄曰客星干犯雷電主王者之政臣下擅之
亦曰法度更革出自人臣又曰政事廢亦曰政事
改

古今星釋曰客星大如碗守雷電及五十日以上者
期一年其國有新政

彗孛犯雷電

天文別錄曰彗星掃雷電星其國政事隳廢人君惡

之一曰革命

古今星釋曰星干雷電其野有新令一曰國有改君則星孛雷電

流星犯雷電

天文別錄曰流星犯雷電其國有政令出自大臣一曰有竊權大臣

古今星釋曰流星抵觸雷電其國有犯法人臣一曰執法者苛虐天下怨謗亦曰有急政百姓怨嗟

雲氣犯雷電

天文別錄曰黃雲氣犯雷電其國有德令人君愛民

天下和平黑雲氣犯雷電其野有急政以雷民一
曰君令急有白雲氣犯雷電則人君法令不行天
下

雲雨星論

雲雨統占

客星犯雲雨

彗孛犯雲雨

流星犯雲雨

雲氣犯雲雨

雲雨統占

天文列錄曰雲雨各二星在霹靂南其西北星入室
五度主水旱

甘德曰雲雨四星黑在霹靂南明則多雨水水守大
滂傷禾稼火守旱

古今星釋曰雲雨星在霹靂南主歲旱水年之有無
星明大則歲多雨水星微明小則歲豐民樂星移
徙近霹靂則大旱近雷電則大水

古今通占雲雨星有芒角乍東乍西者其國歲凶水
旱不時糴貴民飢星暗主大雨水星亡則主大旱
兩星俱亡則主天下人相食

客星化雲雨

天文別錄曰客星化雲雨星其國多雨水天下大滂

禾稼爲魚食

古今星釋曰客星犯雲雨星其野有大水江河合流
一曰陸野行舟若星大如斗器守之及五十日不
去者國都爲大津

彗孛犯雲雨

天文別錄曰彗星犯雲雨其國有水滂糴貴十倍民
多食魚一曰旣釜生魚

古今星釋曰星孛于雲雨星其野有水災一曰國因
水飢百姓爲寇又曰民多怨

流星犯雲雨

天文別錄曰流星犯雲雨星陽其國大旱犯星陰其國大水抵雲雨星中則先水後旱

古今星釋曰流星抵觸雲雨星中則其國大饑主水旱不時歲歉民死

雲氣化雲雨

天文別錄曰黑雲氣出入雲雨中其野大澇傷禾稼白雲氣出入雲雨星中其野有大水寇一曰百姓攘食為盜黃雲氣覆雲雨上其歲大穰餘色俱為凶兆

霹靂星論

霹靂星統占

客星犯霹靂

彗孛犯霹靂

流星犯霹靂

雲氣犯霹靂

霹靂統占

天文別錄曰霹靂五星在雷電南其西星入室一度主電擊

甘德占曰霹靂五星黑在雲雨北主電擊星明則多震聲其下君有峻法暴令害及民人氏人多怨

天文志曰霹靂五星在雷電東南主電擊

古今星釋曰霹靂星在雷電東南主電擊以象天子

號令星明大而有芒角主人君酷政害民天下苦
之星暗則人君法令不行于天下亦曰法度隳壞
政教陵遲

大彖旁通曰霹靂星疎圻則天下不畏國法星就聚
則百姓多陷非法星光動搖則國多改法一曰人
君政令多更改五星俱亡則禮樂法度大壞國將
棄祀

客星犯霹靂

天文別錄曰客星抵霹靂星其國政令多易一曰有
更改

古今星釋曰客星大如瓜抵霹靂星其野新法度以
酷民下民怨天下苦之

彗孛犯霹靂

天文別錄曰彗星如帚掃霹靂星其國有更王亦曰
曰有革政星傳曰彗出霹靂除旧寔新此更王革
政之象也

古今星釋曰星孛于霹靂其國有廢政亦曰有苛政
以酷民一曰君令急其政苛

流星犯霹靂

天文別錄曰流星犯霹靂星其國有執法者坐法一

曰有寃獄

古今星釋曰流星出霹靂星其國政苛急若迅雷然
百姓苦之下民多怨其民困

雲氣化霹靂

天文別錄曰黑雲氣化霹靂星其國君有急政以酷
民亦曰君法虐民多怨謗爲亂白雲氣化之其國
法度隳廢政令不施于民天下大亂

天錢星論

天錢星統占

月五星化天錢

客星化天錢

彗孛化天錢

流星犯天錢

雲氣犯天錢

天錢星統占

天文別錄曰天錢一十星在壘壁陣頭共西南星入危一度主錢帛

巫咸占曰天錢一十星黃在北落西北主財帛所聚星明則牽盈星暗則虛金火守之兵起盜生

天文志曰北落西北十星曰天錢主財物事

古今星釋曰天錢星在北落師門西北主財賄之所聚主庫藏貯財蓄賄之所也星明則府庫充盈暗則國用耗之凡國用之行耗候天錢以占之

大象旁通曰天錢星主財帛積聚之所星疎圻不圓
其國多失財賄星執聚則君不節儉國用匱乏星
圓若大錢天錢問口府庫無有國用匱乏之象也

月五星犯天錢

天文別錄曰熒惑逆犯天錢星其國有大寇掠民財
天下多忿爭一曰財帛耗乏太白逆犯天錢星其
國有急令以剝民財一曰太白守天錢中其國兼
并失利

客星犯天錢

天文別錄曰客星犯天錢其國蠹用以損民財一曰

君不儉嗇以損養并

古今星釋曰客星犯天錢其國多失利錢帛耗敗以刻剝爲心又曰重歛虛費以逞已欲百姓若之

彗孛犯天錢

天文別錄曰彗星掃天錢星奄星不見其國府庫空
虛國用耗乏下民多怨以苦剋剝

古今星釋曰星孛天錢中其國失利源人君損財以
恣已欲百姓胥怨

流星犯天錢

天文別錄曰流星出天錢中其國空虛民苦刻剝天

下胥怨百姓失業

古今星釋曰流星抵觸天錢星其野人君損兼并百姓苦之一曰府庫不充國用廢

雲氣化天錢

天文別錄曰黑雲氣入天錢星中奄星不見其國民困失百姓心一曰國貧民窘白雲氣入天錢中其野有兵爭財帛

古今星釋曰黃雲氣出入天錢其野國用富有府庫充盈青赤氣入天錢其國府庫多大殃

斧鉞星論

斧鉞星統占

月五星犯斧鉞

客星犯斧鉞

彗孛犯斧鉞

流星犯斧鉞

雲氣犯斧鉞

斧鉞星統占

天文別錄曰斧鉞三星在北落師門東共西星入危
一十六度主殺伐事

正咸曰斧鉞三星黃在北落師門東主殺伐星明則
斧鉞用星圻則諸侯不專斧鉞星移則臣下不受
制于天子星曲則下有叛謀星微明則吉

古今星釋曰斧鉞星在北落師門東主天子以錫諸

侯之物將以專征也亦主殺伐之事星不欲明大而喜微明星不責出怒角而尚黃潤星微明則吉明大則凶出怒角則諸侯擅權星黃潤則列國進秩

大象旁通曰斧鉞星踈坼則諸侯不專斧鉞星移徙則諸侯不受制于天子星就聚主大臣彊盛人君失勢星曲屈不直則大臣有叛謀

月五星犯斧鉞

天文別錄曰熒惑逆行犯斧鉞星其國斧鉞用亦曰人君失勢百姓被戎服太白犯斧鉞則諸侯有自立

者一曰其國有更王鎮星犯斧鉞則斧鉞用

晉穆帝永和十年正月癸酉鎮星奄斧鉞占曰斧鉞用是時桓溫擅命朝臣多見迫脅四月溫伐苻健破其峻柳軍十二月慕容恪攻齊

客星犯斧鉞

天文別錄曰客星犯斧鉞星其國有大臣以陰謀犯上不成客星若守斧鉞及五十日以上者其國斧鉞用一曰叛臣坐法

古今星釋曰客星大如五斗器犯斧鉞有急兵一曰朝廷憂外寇至

彗孛犯斧鉞

天文別錄曰彗星干犯斧鉞其國有兵變國亡兵潰將死

古今星釋曰星孛干斧鉞主其國有亂臣以竊主柄
一曰星孛斧鉞其國流血亦曰亂臣賊子相戕也
流星犯斧鉞

天文別錄曰流星干犯斧鉞星主外寇用兵以侵中
土其國有急兵一曰爲暴兵

古今星釋曰流星抵觸斧鉞諸侯不專斧鉞亦曰天子任人不專臣下爲亂亦曰有暴兵

雲氣犯斧鉞

天文別錄曰黑氣入斧鉞星其野有自立諸侯有白雲氣出斧鉞其國有強臣一曰人主失勢受制于強臣

廣古今占曰黃雲氣入斧鉞天子以斧鉞賜諸侯一曰上下之分嚴尊卑之禮得矣有赤氣入之列國相侵伐青氣入之國大飢

北落師門星論

北落師門星統占 客星犯北落師門
彗星犯北落師門 流星犯北落師門

雲氣化北落師門

北落師門統占

天文別錄曰北落師門一星在羽林星西南入危一十二度主兵亦曰主軍門

石申曰北落師門一星赤在八魁西主天軍門次候兵星明則軍閤吉暗則兵起金火守兵起客入虜寇犯塞兵不利

天文志曰北落師門在羽林西南北者宿在北方也落者天之藩落師衆也師門猶軍門也長安城北門曰北落門以象此也主非常以候兵有星守之

虜入塞中兵起

古今星釋曰北落師門在羽林西南主中外之兵占星以候其出入星明潤則中外無兵邊陲安靖星出怒角則北虜犯塞一曰北夷起兵

客星犯北落師門

天文別錄曰客星抵北落師門中主外夷舉兵以寇塞一曰邊民受禍又曰虜兵入中土境

古今星釋曰客星大如杯光色純白守北落師門其國邊有兵變一曰破軍殺將邊城陷邊民擾

彗孛犯北落師門

天文別錄曰彗星干犯北落師門其國有邊兵叛一
曰彗寇犯邊陲

古今星釋曰星孛干北落師門其國邊疆失土一曰
陷邊城

大象旁通曰星孛干北落師門星色蒼白其邊兵殺
大將叛一曰胡兵戮邊將掠邊民

流星犯北落師門

天文別錄曰流星犯北落師門則外寇入邊塞一曰
彗寇內侵

古今星釋曰流星抵觸北落師門則主邊兵潰一曰

邊將為虜所擒

雲氣化北落師門

天文別錄曰黑雲氣入北落師門則其國有邊警

許新

初蒼白雲氣入北落師門邊民有離心邊兵有叛
謀赤氣入北落師門其野邊將死不然被黥青雲
氣入之主邊塞饑饉

後漢孝順帝永建二年九月戊寅有白氣廣三尺長
十餘丈從北落師門南至斗占曰兵起

天網星論

天網星統占

客星化天網

彗孛化天網

流星化天網

雲氣化天網

天網星統占

天文別錄曰天網一星在危南入危八度主遊獵帳慢之物

巫咸曰天網一星黃在北落師門之西主遊獵帳慢占曰金火入其分野兵起

天文志曰北落師門西南一星曰天網主武帳星明則王者好田獵星亡則有暴兵起星暗則吉

古今星釋曰天網一星在北落師門之南主天子遊

獵馳騁之象主武帳星明大則王者好田獵星有
浮光而數搖動則天子馳騁有逐戰之荒星出怒
角國內有急兵星亡則兵起不測百姓受禍國政
隳廢天下苦之

客星犯天網

天文別錄曰客星干犯天網星其國人君有弊政百
姓有離心一曰人君好遊獵不務德化國祚將亡
古今星釋曰客星大如五升器色蒼白抵天網則其
國上下務遊獵逐獸以荒國

彗孛犯天網

天文別錄曰彗字干犯天網星其國有更王一曰有
荒政

古今星釋曰星字干天網其野人君好武以遊獵為
務政事缺矣一曰星字天網君政急荒亦曰百姓
有離心天下將亂

流星犯天網

天文別錄曰流星抵觸天網星其野有逐獸之君尚
武之主一曰田獵之君將失其國故流星抵天網
大彖旁通曰流星干犯天網主人君不施德政以逐
獸為先務百姓胥怨天下之心離

雲氣犯天網

天文別錄曰青雲氣如波入天網主天子野宿赤雲氣入天網主人君逐獸有虞蒼白入天網天子親戎服田獵以逐獸不務德化以失民心

壘壁陣星論

壘壁陣星統占 月五星犯壘壁陣

客星犯壘壁陣 彗孛犯壘壁陣

流星犯壘壁陣 雲氣犯壘壁陣

壘壁陣統占

天文別錄曰壘壁陣一十二星在羽林北其西頭觜

星入虛七度東頭觜入壁初度主軍位營陣也

石申氏古曰壘壁陣一十二星赤在營室南主天軍

垣壘星非常則軍起

天文志曰壘壁陣在羽林北壘壁陣乃羽林之垣壁也主軍伍為營寨也五星在天軍中者皆為兵起
熒惑太白辰星尤甚

古今星釋曰壘壁陣星在羽林北主三軍營寨也星
明潤則軍營無虞星暗則兵起星疎圻則其國有
軍變星就聚其國三軍叛主將星移徙失故常則
有急兵星亡則天下兵亂

月五星犯壘壁陣

天文別錄曰月逆行壘壁陣其野有暴兵亦曰三軍有叛謀

古今星釋曰太白逆行壘壁陣其國大兵起一曰天子兵盡發焚惑犯壘壁陣則軍營有大災亦曰有兵變若鎮星犯入之其軍營有工役辰星逆行之其野三軍有水厄

客星化壘壁陣

天文別錄曰客星犯壘壁陣有暴客入軍營一曰有刺客入營以圖主將

古今星釋曰兩軍相當有客星化壘壁陣其先舉者勝後舉者負一曰先至者勝後至者敗

彗孛化壘壁陣

天文別錄曰彗星化壘壁陣其國有死大將不然大將被黜又曰破軍殺將

古今星釋曰星孛于壘壁陣其國有兵殺主將以叛天子一曰天子憂兵

流星化壘壁陣

天文別錄曰流星化壘壁陣主外奸入軍營以害大將色白者謀成色黃者謀不成餘色皆凶

古今星釋曰流星抵觸壘壁陣主大將潰走一曰三軍潰走若流星有聲如雷不有破軍必有屠城

雲氣化壘壁陣

天文列錄曰黑雲氣入壘壁陣其國有兵憂青白氣如波狀其軍營有驚恐黑氣如獸狀三軍有匿謀赤氣入之軍營有大災黃氣入之其下有將受賞

羽林星論

羽林星統占

月五星化羽林

客星化羽林

彗孛化羽林

流星化羽林

雲氣化羽林

羽林星統占

天文別錄曰羽林四十五星在室壁下壘壁陣南東
西列北第一行西星入危一十三度東北星入壁
初度主天軍

石申占曰羽林四十五星赤三三而聚在壘壁陣主
天軍星明國安稀動則兵出不見則天下亂金火
守入兵大起

天文志曰羽林四十五星在營室南一曰天軍主軍
騎又主翊衛也

古今星釋曰羽林星主天子之兵侍衛之士也星明
潤則國安星移徙失故常天子兵盡出亦曰天下
大亂星亡則天子失勢

大象旁通曰羽林星三三而聚聚四十五星曰羽林
乃天子衛兵也星疎坼而不聚主天子失士卒心
亦曰有陰謀三星亡則天子有潰兵四十五星俱
亡其國兵盡行又曰羽林俱亡人主憂惶

月五星犯羽林

天文別錄曰月逆行犯羽林禁兵有陰謀一曰衛士
有叛志

古今星釋曰太白化羽林禁兵盡出一曰天子兵盡
行焚惑化羽林禁兵大起

大彗旁通曰太白經天或晝見入羽林其國有兵喪
一曰中軍兵起

晉惠帝元康九年八月焚惑入羽林占曰禁兵大起
其後帝見廢為太上皇俄而三王起兵討趙王倫
倫悉遣中軍兵相距累月

晉孝武帝太元元年九月焚惑入羽林至三年正月
焚惑守羽林占曰禁兵大起至升平三年八月秦
人寇樊鄧襄陽彭城四年三月襄陽陷宋序沒四

月魏興陷廣陵三河衆五六萬於是諸軍外次衝
要丹陽尹屯衛京師

太元十四年十二月癸亥入羽林明年翟遼略司寇
衆軍累討不尅慕容垂又跨略并冀等州七月旱
大水又蝗

太元二十一年二月壬申太白晝見在羽林占曰有
疆臣有兵喪中軍兵起是年九月帝崩隆安元年
王恭等舉兵脅朝廷於是內外咸服王國寶以
謝之

晉安帝隆安元年二月歲星熒惑皆入羽林占曰中

外兵起四月王恭等舉兵內外響應

晉安帝元興三年二月壬辰太白熒惑合于羽林二年十二月桓玄篡位放遷帝后三年二月劉裕起義兵桓氏逼帝東下

晉恭帝元熙元年七月月歲星俱入占曰天下有大喪十二月丁巳月入犯太白俱入羽林六月帝遜位禪宋

客星犯羽林

天文別錄曰客星犯羽林主禁兵通外姦以圖內亂
色黃事尤謀變者受誅餘色凶

古今星釋曰客星犯羽林主中軍有變謀亦曰外謀
通內姦為亂

彗孛犯羽林

天文別錄曰彗星抵羽林天子禁兵有厓謀以頌國
祚一曰天子防內亂

大象旁通曰星孛羽林其國有兵變一曰有內亂變
天子惡之

流星化羽林

天文別錄曰流星抵觸羽林主外寇連禁兵為亂人

君惡之

古今星釋曰流星出羽林天子兵令行其國有急兵亦曰天子愛兵起為亂

雲氣犯羽林

天文別錄曰黑雲氣入羽林天子防內亂蒼白氣入羽林外兵入天子廷一曰禁兵亂王廷

廣古今占曰黃雲氣入羽林禁兵疆盛亦曰天子有兵威以鎮四夷赤氣入羽林主兵變

八魁星論

八魁星統占

客星犯八魁

彗孛犯八魁

流星犯八魁

雲氣化八魁

八魁星統占

天文別錄曰八魁九星在羽林南其西北星入營室
一十一度主張禽獸之官

甘德氏占曰八魁九星在北落師門東主張禽獸之
官客入金大守兵起

天文志曰北落師門東南九星曰八魁主張禽獸

古今星釋曰八魁九星在北落師門東南主張禽獸
之官亦以候兵之出入星明大則芒角則兵大起
微明則吉

客星犯八魁

天文別錄曰客星犯八魁其國有兵謀亂亦曰國有
急兵

古今星釋曰客星守八魁主人君有禽獸之荒以施
政教又曰君不務政以荒禽則客守八魁

彗孛犯八魁

天文別錄曰彗星犯八魁其國人君廢政事以亡國
祚亦曰兵起國亡

古今星釋曰星孛干八魁其國施政亦曰有更王
流星犯八魁

天文別錄曰流星干犯八魁其國有異謀大臣亦曰
人君荒會以失輔弼

古今星釋曰流星抵觸八魁其野張禽獸之官以失
職坐廢一曰國有兵起

雲氣犯八魁

天文別錄曰黑雲氣犯八魁其國有暴兵蒼白氣如
劍戟加八魁其國斧鉞用青赤氣入八魁其國有
大臣犯法者黃氣入八魁張禽獸者受賞

土公星論

土公統占

客星犯土公

彗孛犯土公

流星犯土公

雲氣犯土公

土公星繞占

天文別錄曰土公二星在壁南其東星入壁二度

石申曰土公二星赤在奎南主水土功星明黃潤則

天下安

河圖遺書曰土公星在奎南主水土之功星明潤其國豐富天下和平民躋壽域星暗失常不有水患必有土役星亡移徙其野有兵起

客星犯土公

天文別錄曰客星干犯土公星其國有土役百姓勞
怨天下有離心

古今星釋曰客星入土公土役事與良民役百姓勞
苦

彗孛犯土公

天文別錄曰彗星掃土公天子多更造宮室以勞民
民心離國祚棄

大象旁通曰星孛干土公其國有兵變一曰土公毀

謂更造宮宇
而毀陳之也

流星犯土公

天文別錄曰流星抵觸土功其國有急兵一曰土役
與民怨為亂

古今星釋曰流星出土公主天子遣使治水以興土
役色黃則吉餘色皆凶

雲氣化土公

天文別錄曰黑雲氣如人馬狀入土公天下大水傷
禾歲歉人飢白氣如棲狀乘土公天子更造宮室
以睦民有赤氣入土公人君宮宇有火災青氣入
土公星其野與土功以致歲荒

乾象通鑑卷第八十八